

Moras virus Corona 2019 (COVID-19)

Relatóriu Situasaun – 145

Timor-Leste



World Health
Organization

Timor-Leste

*Dadus relata to'o loron 29 Marsu 2022

SITUASAUN IHA NÚMERU

TIMOR-LESTE



Kumulativu
22,827 (17)



Rekuperadu (foun)
22,680 (15)



Kazu ativu
17



Óbitu (foun)
130 (0)

GLÓBÁL



Kazu
480,170,572



Óbitu
6,124,396

PROGRESU IMUNIZASAUN COVID-19



Doze 1^a – **722,404**
Kobertura – **85.5%****



Doze 2^a – **582,616**
Kobertura – **72.7%****

* Bazeia ba dadus ne'ebé pública husi [Ministerio da Saúde](#)

** Ba populasaun adultu tinan 18 ba leten

PROGRESU IMUNIZASAUN COVID-19



Doze vasina
11,054,362,790

SUMÁRIU

- Dezde edisaun ikus relatóriu situasaun, Ministériu Saúde relata hamutuk **17** kazu foun COVID-19, kazu rekuperadu **15** no kazu óbitu **0**. Número kazu insidente sa'e ho persentajen 13% kompara ho períodu relatóriu ikus.
- Programa Nasional ba Moras TB, Ministériu Saúde hamutuk ho OMS organiza ona eventua ba loron Mundiál Moras TB iha Atauru. Tema ba tinan ida ne'e mak "Investe ba Hapara TB. Salva Moris" – ida ne'e hato'o nesesidade urjensia ba halo investimentu ba rekursu sira hodi haforsa luta hasoru TB no prevene mate barak liu tan. Sira ne'ebé partisipa ona iha eventua ne'e mak S.E. Vise Ministru Saúde, Diretora Jeral ba Prestasaun Saúde, no ekipa husi Moras Hada'et.
- Lansamentu no *workshop* orientasaun ba projetu Codex *Trust Fund* hala'o ona iha loron 28 Marsu, ne'ebé hetan partisipasaun husi ofisial relevante sira husi Ministériu Saúde, Ministériu Agrikultura no Peskas, Ministériu Turismu Komersiu no Industria, no mos ajensia sira hanesan AIFAESA, Asosiasaun Protesaun Konsumedores (Tane), nst. Objetivu husi projetu ne'e mak atu estabese Komite Nasional ba Codex ne'ebé fungsional liu husi atividade kapasitasaun oioin. DG ba Prestasaun Saúde, Dr. Odete Viegas no Representante OMS, Dr. Arvind Mathur,


durante abertura ba eventu ne'e hato'o ona mensajen balun, hamutuk ho representante balun husi Ministériu Agricultura no Peskas no mos husi FAO Timor-Leste.

- OMS-TLS hala'o ona *workshop* kona-ba importansia husi informasaun saúde no *refresher training* kona-ba Sistema Informasaun Saúde Nasional – Timor-Leste *Health Information System* iha loron 28 Marsu 2022. Prinsipalmente foka ba Ekspansaun Programa Imunizasaun no Saúde Inan no Oan. Partisipa husi participante husi munisípiu sira hotu no programa nasional sira ho total partisipasaun liu 100.
- UNICEF suporta hela distribuitsaun no utilizaun ba veikulu sira, ne'ebé entrega on aba MS, ba munisípu sira hodi haforsa kapasidade lojístiku no suporta kampaña vasinasaun ne'ebé daudaun ne'e la'o hela no mos atendimento saúde rotina.
- UNICEF no OMS kontinua suporta mobilizasaun komunitaria iha munisípiu 13 hodi ajuda hasa'e konsiensia kona-ba prevensaun COVID-19, entendimentu vasina, promosaun servisu saúde no nutrisaun rotina. Hirak ne'e apoi liu husi mensajen diáriu iha rádiu comunidade, televizaun nasional (RTTL) no mídia sosial.

ATUALIZASAUN EPIDEMIOLÓJIKU

1. Kazu COVID-19 kumulativu no kazu foun, relata to'o loron 29 Marsu 2022

Hanesan hatudu iha gráfiku epi tuir mai ne'e, número kazu insidente sei kontinua ho tendénsia desendente iha semana da-7 tutuir malu.



2. Distribuisaun kazu no kazu óbitu tuir munisípiu

Distribusaun kazu foun ne'ebé relata, kazu rekuperadu no kazu ativu tuir munisípiu, to'o loron 29 Marsu 2022

Munisípiu	Kazu foun (23-29 Mar. 2022)	Loron 7 - mudansa % (kazu)*	Kazu kumulativu	Kazu rekuperadu (23-29 Mar. 2022)	Kazu rekuperadu kumulativu	Kazu óbitu foun (23-29 Mar. 2022)	Kazu óbitu kumulativu	Kazu ativu (29 Mar. 2022)
Aileu	0	0	136	0	135	0	1	0
Ainaro	0	0	303	1	300	0	3	0
Baucau	0	0	1626	0	1619	0	7	0
Bobonaro	3	100	741	1	729	0	10	2
Covalima	0	0	838	4	835	0	3	0
Dili	7	-22	16272	7	16178	0	88	6
Ermera	0	0	1120	0	1118	0	2	0
Lautem	0	0	187	0	182	0	5	0
Liquica	0	0	132	0	131	0	1	0
Manatuto	0	0	240	0	238	0	2	0
Manufahi	0	0	272	0	272	0	0	0
RAEOA	7	17	441	2	429	0	3	9
Viqueque	0	0	519	0	514	0	5	0
TOTAL	17	13	22827	15	22680	0	130	17

*Mudansa kazu COVID-19 kompara ho loron 7 ikus

- Total kazu foun hamutuk 17 ne'ebé relata iha períodu relatóriu (23-29 Mar. 2022), ho aumentu 13% kompara ho periodu relatóriu ikus. Kazu sira ne'e hotu detekta iha munisípiu Dili, Oecusse no Bobonaro.
- Laiha kazu óbitu ne'ebé relata husi Timor-Leste iha períodu relatóriu ida ne'e.
- Númeru kazu ativu agora to'o loron 29 Marsu 2022 hamutuk na'in-17.

3. Teste diáriu, taxa pozitivu no taxa teste positividade


Durante data relatóriu atuál ne'e husi loron 23-29 Mar. 2022, halo ona teste ba amostra 1,462 kompara ho loron 7 liu ba iha ne'ebé teste ba amostra hamutuk 1,561.

Taxa teste positividade husi periodu relatóriu ida ne'e ho médiu 1.2% (kompara ho 1.0% iha loron 7 ikus liu ba).

JESTAUN KAZU COVID-19

Sentru Izolamentu Lahane no Vera Cruz halo hela tratamentu ba paciente kazu moderadu ho fator risku no kazu krítiku sira, enkuantu parte husi Sentru Izolamentu Tasi-Tolu admite kazu kma'an no moderadu sira ne'ebé iha fator risku. Husi figura tuir mai ne'e, hatudu paciente admite iha sentru izolamentu sira iha número ki'ik liu.

Husi loron 28 Marsu 2022, Sentru Izolamentu Lahane komesa halo tratamentu ba paciente TB no Vera Cruz sei kontinua fornese tratamentu ba paciente COVID-19.




% okupante atual ba kama sira iha Sentru Izolamentu Lahane hamutuk 0%.

% okupante atual ba kama sira iha Sentru Izolamentu Tasi-Tolu hamutuk 0%.

% okupante atual ba kama sira iha Sentru Izolamentu Vera Cruz hamutuk 0.5%.

Figura tuir mai ne'e hatudu total número paciente ne'ebé admite iha sentru izolamentu no auto-isolamentu (iha uma) iha munisípiu 12 kompara ho Dili. Iha Timor-Leste laran tomak, paciente admite iha sentru izolamentu sira kontinua menus konstantemente.



IMUNIZASAUN COVID-19

Iha loron hakerek relatóriu ida ne'e (29 Marsu 2022 dadeer), total doze vasina COVID-19 ne'ebé administra 1,327,513 kompostu husi doze dahuluk 722,404 (kobertura 85.5% entre populasau idade 18 no liu no 42.3% entre populasau idade 12 to'o <18) no doze daruak 582,616 (kobertura 72.7% entre populasau idade 18 no liu, 18.5% entre populasau idade 12 to'o <18), doze *booster* 22,482 (kobertura 3.0% entre populasau idade 18 no liu) maka administra ona iha territóriu Timor-Leste tomak. Detallu husi númeru doze vasina ne'ebé administra ona no kobertura tuir produktu vasina no doze vasina nian bele refere ba Tabela 1 no figura 1 tuir mai ne'e.

Tabela 1: Númeru doze vasina COVID-19 ne'ebé administra ona no kobertura iha Dili no Timor-Leste tuir vasina nia marka no doze sira, atualizada to'o 10:00hrs 29/03/2022





Figura 1: Kobertura vasina COVID-19 ba populasun tinan 18 ba leten tur munisípiu iha Timor-Leste atualizada 10:00hrs 29/03/2022



ATUALIZASAUN POLÍTICA

Sorumutu ho Konsellu Ministru iha lora 16 Marsu 2022

Konsellu Ministru sira hasoru malu iha Palásiu Governu iha Dili no aprova ona *draft* Dekretu-Lei, apresenta ona husi Primeiru Ministru, Taur Matan Ruak, alterasaun dahuluk ba Dekretu-Lei n.º 26/2021 26 Novembru ba medidas vijiláncia saúde eksepsional no temporaria hodi responde ba pandemia moras COVID-19.

Ho alterasaun ida ne'e:

1. Entrada mai território nacional kondisionada de'it ho apresentasaun sertifikadu vasinasaun kompletu ka hanesan alternativa ba kuarentena; no
2. Laiha ona limitasaun oras ba operasaun husi postu fronteira terrestre sira, ne'ebé sei fila fali ba sira nia operasaun diáriu normal.

ANALIZE SITUASAUN

- Timor-Leste nafatin iha nível transmisaun COVID-19 ne'ebé ki'ik. Kazu kontinua relata husi Dili no munisípiu rua iha fronteira ho Indonézia, ne'e mak Oecusse no Bobonaro. Obzerva ona katak kazu foun 7 mak relata ona husi Oecusse iha períodu relatóriu ida ne'e. Ho razaun ne'ebé koomprensivel, vijilánsia no teste tenke nafatin kontinua haforsa, liuliu iha área hirak ne'ebé ho movimentu populasaun ne'ebé maka'as, no iha fronteira terrestre sira entre Timor-Leste no Indoezia nia provinsia NTT.

REKURSU NE'EBÉ DISPONIVEL

- [Ba públiku jerál no profesionál saúde sira kona-ba prevensaun, tratamentu, no vasina, nsst.](#)
- [Rekomendasaun OMS ba Desizaun Relasiona ho COVID-19](#)
- Kursu gratuita iha Tetum – [OpenWHO.org](#)

KONTAKTU MÉDIA NO INFORMASAUN KONA-BA COVID-19

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele kontaktu hodi hetan informasaun relasiona ho COVID-19
- Alende ne'e, [Pájina Facebook MS](#) nian fornese atualizasaun loloos kona-ba desenvolvimentu COVID-19 iha rai laran
- OMS Timor-Leste liuhusi nia [Pájina Facebook](#) no [Twitter](#) mós disemina informasaun kona-ba medida preventiva, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba hasane@who.int ka wcotimorleste@who.int